



CUMÜN DA SCUOL

SCOULAS

ARDEZ, FTAN, SCUOL, SENT, TARASP

Reglamaint da jokers

(Il pled scolar sta in quist reglamaint pella fuorma masculina e feminina.)

1. Ils dis da joker dessan gnir dovrats cun san inclet cun quai cha mincha assenza es ün disturbi da la gestiun da la scoula. I vain cusglià da far adöver da quists dis be schi fa propcha dabsögn, per chi s'haja lura amo a disposiziun simils dis i'l cas chi's stuvess avoir ün di liber. I s'inclegia da sai cha quists dis nu vegnan dovrats a la fin da l'on da scoula be per nu tils laschar scrodar.
2. Mincha scolar po retrar maximalmaing 2.5 dis da joker (= dis da congedi sainza stuvair motivar) infra 1 on da scoula. Mincha scolar da scoulina po retrar 3.5 dis da joker.
3. Id es pussibel da retrar ün joker eir be per $\frac{1}{2}$ di ($\frac{1}{2}$ di = $\frac{1}{2}$ di da joker).
4. Per congedis da singulas lecziuns d'ürant ün temp plü lung decida il manader quants dis da joker chi ston gnir retrats.
5. La dumonda per retrar ün joker sto gnir fatta almain 4 dis avant al magister da classa cul formular uffical chi po gnir retrat pro'l magister da classa. Scha la dumonda vain fatta plü tard, faja dabsögn d'üna dumonda motivada al manader da scoula. Quel decida lura, scha'l di da joker po gnir retrat o na.
6. Il scolar sto far a savair si'absenza ouravant a tuot las personas d'instrucziun pertoccas.
7. Il scolar es s'vess respunsabel per elavurar quai ch'el ha mancantà in scoula.
8. Visitas pro'l daintist/meidi chi d'üran daplü co ün mez di vaglian sco $\frac{1}{2}$ di da joker.
9. Per congedis da sport, da cultura etc. esa da retrar il prüm ils dis da joker. Sch'ün scolar vess dabsögn, davo chi sun retrats tuot ils dis da joker, amo d'ulteriurs jokers per quel adöver, sto'l far üna dumonda in scrit al cussagl da scoula.

10. Per las seguaintas datas das-cha gnir tut jokers be cul permiss dal manader da scoula: prüm di da scoula, Chalandamarz, ultim di da scoula. Ouravant faja dabsögn d'üna dumonda in scrit motivada.
11. Mincha scoula po declerar singuls dis cun arrandschamaints extraordinaris, eir a cuorta vista, sco dis da scoula chi suottastan a l'artichel 10 da quist reglamaint.
12. Per giarsunadis d'insaj, chi nu van a fixar illas vacanzas in settavla ed ottavla classa, esa da dovrar il prüm ils jokers. Giarsunadis d'insaj in nouvavla classa, impüstüt da quels ingio chi va pella piazza da giarsunadi, nu vaglian sco dis da joker. Dis da joker na dovrats scroudan pella fin da l'on da scoula.
13. Tenor artichel 96 da la ledscha da scoula chantunala pon genituors, chi nu tramettan a lur uffant a scoula sainza motiv d'absenza o permiss da congedi, gnir chastiat cun üna multa da fr. 50.- fin fr. 5000.-.

Quist reglamaint rimplazza tuot ils reglamaints da jokers da las singulas scoulas da las fracziuns dal cumün da Scuol ed aintra in vigur als 1 avuost 2019 pel cumanzamaint da l'on da scoula 2019/20.

Scuol, ils 29 mai 2019

Pel cussagl da scoula:

Anna Mathis

La presidenta dal cussagl da scoula

Anna Mathis-Nesa